



Aqqalu C. Jerimiassen
Atassut

UKA 2021/18
7. oktober 2021

Uunga siunnersuut: Akileraaruserinermik ingerlatsineq pillugu Inatsisartut inatsisaata allanngortinneqarneranik Inatsisartut inatsisaat

(Aningaasaqarnermut Nunamullu Namminermut Naalakkersuisoq)

Paasissutissanik erseqqinnerusumik ammasumillu ingerlatsinissamik siunertaqarmik imaqarnera tapersernarpoq, Atassummiillu taamaattumik iluarisimaarparput siunertami paasissutissanik pissarsiniartarnermi illugiimmik pisinnaatitaaffinnik oqariartuuteqarneq.

Aningaasarsiornerup iluani tamatta akileraartussaasutut pisussaataitaaffeqarnerput qimarratissaanngilaq, tassuunakkullu paasissutissanik erseqqinnerusunik pisinnaanissaq eqaallisaataannaassasoq Atassummiit isigaarput.

Atassummiit siunnersuut taperserlugu aningaasaqarnermut akileraartarnermullu ataatsimiitsitaliamut innersuupparput.